

文2824041
34



甘忠果公祠堂集卷三

虞山蔣陳錫雨亭甫編



國奎

男國培校正

國璧

請設藩臬疏

具官臣甘文焜謹

題為敬陳直隸繁劇之由請設藩臬以垂永久
事竊照各省州縣錢糧統於藩司刑名統於



臬司庶務雖繁而頭緒則一巡撫因之覆核
稽察至有駁勘詳叅僅一藩一臬所司故案
件易完皆由藩臬分理其事也直隸各屬環
近京畿滿漢雜處圈補協濟盜賊人命等事
倍繁於他省向日不設藩臬者因有天津遵
化真定三處撫臣今已裁其二事最繁多雖
部議畱八道以代藩臬之事但各道分治各
府不便統理錢穀刑名依然紛雜且詳移冊
籍參差不一必須駁詢等詳又兼地方遼濶

往返動經數月臣雖竭力嚴催得免於遲誤
者倖也况錢糧不經藩司總理出入止憑各
府收放州縣得以徑申請撥及至奏銷茫無
考據是以勞於新之歷年侵冒至十萬餘兩
有自來矣近准部議咨臣咨撥而收放錢糧
仍在各府出入不一易於生奸此無總理藩
司之故也如刑名無臬司專理

欽部提質事件告詞被証人犯各道隔屬關牒不
靈必至詳臣提解又稽時日是以事件舛錯

必致駁訊每多過限難免者此無專理臬司之故也臣荷蒙好語

恩深重雖極繁極難之地捐糜頂踵圖報自不敢辭但恐頭緒煩多或奏銷錢糧遺錯或重案冤抑稽遲是臣之被罪為輕而上負

朝廷之事重且大矣臣再四思維莫如請裁道員改設藩臬二司悉照他省分任其事而臣

提調督責得以細心巡歷察訪無顧此失彼之憂則錢糧可杜侵欺之弊刑名亦無淹滯

之虞直隸事務雖繁庶幾得以速完不致遺

錯積遲之虞也再察府尹向無責成之例應

畱通剡道統轄順天一府事務仍兼海防將

霸易道應改為驛傳道統轄各驛同藩臬俱

駐劄真定天津永平二道俱有海防之責口

北道遠在關外控制北邊此三道仍應議畱

其昌密井井陘大名三道盡可裁去所裁官

俸役食足抵藩臬二司之用庶經費無增而

地方大有裨益矣

請賑卹災黎疏

具官臣甘文焜謹

題為題明動支倉糧多方賑卹以甦災黎事該

臣察看得臣屬地方去歲被災處所臣已嚴

飭各屬加意撫恤節據東光獻縣新樂等縣

報稱窮民掃食草子糠粃療饑今草子糠粃

已盡展轉溝壑流離四方勢所必至請賑議

捐以活窮黎臣閱之殊堪憐憫不忍見聞除

批令動支倉糧多方勸賑仍捐銀分發接濟

古忠果公補堂集卷三
今值仲春更值青黃不接之時隨復檄飭賑恤勿致流離失所外統俟完日冊報核銷謹將窮苦情形并動支倉糧及捐賑緣由理合

題明

請禁革協夫疏

具官臣甘文焜謹

題為恭陳協夫為黔民之大害特請

天語嚴飭永禁事竊臣於康熙八年五月二十八日抵黔任事沿途村落凋零民苗困憊目擊實所不忍初尚未解其故及履任博採輿情細察民隱始知病在兵燹之後協夫繼之矣查開黔之初順治十六年設驛馬匹官養官當每驛設馬夫二十五名每名月支工食銀

六錢米三斗因僱覓乏人前撫暫令隣近漢
土百姓代應養馬彼時大兵雲集餉鞘繁多
經畧臣給價僱夫抬運緣人民稀少前任撫
臣趙廷臣議於相聯僻壤州縣每站派幫夫
數十名原期不誤餉鞘不過一時以軍機爲
重權宜之意及經

題准自康熙元年爲始每站設長夫一百名每
名月支工食銀四錢五分米三斗應差所有
派幫之夫自應免派不意各官僱募不力仍

照前派幫濫用相沿年久竟爲成例以致民
苗不得耕種躲避廢業米價騰貴村落荒殘
民窮不堪臣訪聞得實會同撫臣佟鳳彩已
於康熙八年七月二十日痛革轉飭各驛站
一照定例募僱長夫遞運餉鞘其濫索等弊
概行釐革從此民苗始得休息力事耕耘田
地漸闢本年來米價減至一錢二三分一斗
較臣抵任時每斗二錢五六分已賤一倍各
處荒村漸次構茅結屋已有起色明驗誠恐

將來不肖官弁巧生機變漸萌覺端協夫復
舉則黔民復受其害伏乞

天語嚴飭勒石通衢方可永除沿習積弊民生幸
甚庶無負

皇上加惠元元之意也

報赧牛等各寨苗人歸順疏

具官臣甘文焜謹

題爲亘古不服王化野苗一旦猛省歸順上柳

事康熙八年九月初十日該臣查得大小九

股臺巴臺落鷄講該鐸狎獮赧牛等數百餘

寨生苗居處接連廣西湖南貴州三省地界

其二省接界尙係僻處偏所惟黔省大道鎮

遠偏橋興隆楊老黃絲平越一帶緊要咽喉

門戶僅隔一山兩邊皆係紅黑生苗臣前入

境時卽訪問軍民鄉老據云此一帶生苗故
明時出圍清平興偏平越占據香爐山勢甚
猖獗邀劫大道征殺一二十年皆因山高箐
深用兵最難終未得靖臣到任後卽脾行凱
里營都司武經綸令其傳譯宣布

皇上柔遠德意逆勦順撫之恩威去後茲據該營
報稱赧牛等四十九寨野苗慕化自願歸順
上柳臣隨差官賚銀備辦銀牌花紅銀酒犒
賞各寨頭人以開化逆歸順之漸於十月初

一日抵狎獷頒賞各寨頭人復令傳譯宣布
皇仁德意苗頭阿坡等俱跪下磕頭回云我苗已
曉得

天朝天威兵馬又大今投順不敢犯柳各苗無不
歡悅每頭人斫木刻一半刻箭一枝磕頭叩
謝訖此乃

皇上勵政勤民恩威播及深山窮谷而致亘古不
服野苗一旦猛省歸順雖虞舜舞干格苗亦
不過是也所有赧牛等各寨生苗歸順情由

理合恭疏

題報

皇上

備請

澤外

天博

勳

皇

日

勳平仲苗阿戎等報捷疏

具官 臣甘文焜謹

題為勳賊捷音事該 臣 看得仲賊阿苗等慣肆

劫殺剽掠為事恃其山險箐深梗化已非一

日本年八月初九日糾黨出劫毛昇龍家殺

人燒房及至緝拿復聚眾操戈圍困土官官

兵殺死土兵把目 臣 據報一面遣發 臣 標左

聞右二營守備周鳳賀雙龍領率官兵六百員

各前去會同副將冶秉忠合兵撲勦已將情

甘肅果公祠室集卷三
形具疏報

聞今據該副將報自衝圍救出土官官兵之後
一戰於傍改獲賊黨阿長等四名并獲阿戎
之母與賊婦共十口斬殺賊衆百餘已挫
其鋒狡賊復聚賊黨盤踞於阿槽山等定廣
副將治秉忠會同臣標左右兩營守備周鳳
賀雙龍提標右營遊擊賀友才各率官兵分
路奮勇攻擊直搗賊巢仰仗

聖上天威卽於陣前斬賊首阿戎阿椽阿賴阿速
阿見阿烟阿乃七名斬殺賊黨七百餘衆隨
經土官認明首級果真懸示訖其餘潰敗賊
黨逃逃饒坪恐誅不勝誅臣已行令該副將
會同定番州知州宣布

皇上好生之仁心相機勦撫如能棄戈來歸者准
免死安插如仍抗敵不服者悉令搜勦務盡
根株至於搜獲賊婦十一口酌賞傷亡兵丁
陣擒賊黨阿長等四名檄行解赴臬司審明
出劫毛昇龍家賊數請

旨正法所有獲賊情形理合先行

題報其在事有功各官以及傷亡兵丁應否叙

卹統聽部議

請設塘撥接遞公文疏

具官臣甘文焜謹

題爲亟請設撥無誤公務事該臣看得滇黔遠

居天末距京窻隔開闢以來未設塘撥一切

京報部文悉由直隸河南馬塘遞至信陽一

交楚界則俱係鋪遞長途累積背負擔挑事

無緩急到黔計三個月或七八十日不等臣

與兩撫臣所准部咨與覆部公文悉關錢糧

公務所係匪輕章疏賚奏之外皆由塘鋪隔

屬漫視任意悠游往返於途已經半載期無
違限其可得乎况有遺失損壞莫從究詰是
以提塘陳杰有端汛塘撥之呈臣與撫臣會
酌并行司道詳議據稱設塘需費煩多無從
措辦請仍移咨直隸河南湖北湖南撫提鎮
責成塘撥備遞前來臣思順路塘兵既食
朝廷錢糧自應帶送滇黔公文至交界鎮遠本
省塘兵接遞似不必重設糜費錢糧事屬可
行然非奉

天語恐各省塘撥仍循舊習呼應不靈終無裨益
相應請

旨敕直隸河南湖北湖南撫提鎮臣嚴行申飭遇
有部發滇黔公文逐程馳送至鎮遠接遞如
遲則挨究庶塘遞俱有責成而不致重設糜
費公務亦無悞矣

報撫苗疏

具官臣甘文焜謹

題為恭報頑苗就撫歸誠納糧事該臣看得定
番州屬岡渡等地方村寨百餘仲苗數萬憑
依山箐梗頑掉臂已非一日自擺瀉阿戎作
叛發兵勦滅之後山後一帶頑苗均應藉此
兵威乘機招撫因先將潰敗饒平等寨餘孽
撫綏安集乃自下瀾進兵沿邊化誨續據岡
渡等一百四十五寨頭人阿松等聞威懾服

精愿傾心投順認納錢糧取有木刻結狀於
十一月二十等日撤兵臣復行詳查戶口人
丁數目共計三千七百五十四名口
六十九名口但此久背之苗一旦歸誠效順
皆仰賴我

皇上德威之所致也臣猶慮其苗性靡常復以利
害諄切申諭撫綏漸革其草心奠安邊徼至
各寨錢糧俱隸各司版籍因自故明萬曆天
啓崇禎年來叛服不常土司包貼無定今既
歸誠納賦應有一定額糧不煩再計矣

請修建邊地城池疏

具官 臣甘文焜 謹

題為敬陳修建邊地城池之法以固金湯事竊
惟城垣之設原以固疆圉資防範最為綦重
臣謹遵

勅諭首嚴修濬城池備行兩省諮查而邊徼大異
於腹裏除滇省有倒壞城池俟報到另行會
題外如黔省新開平遠大黔威四府或向無
城池或全然傾圮安順同仁石阡思南府以

及黃平等州印江等縣悉皆頽壞貴陽省城
 隨山坡高下石砌甃矮不堪緣兵燹之餘工
 程浩大修建不遑日復一日有司無法設處
 卽前之督撫臣以無米之炊至今未舉似此
 猥苗環處之邊區非深池高壘何恃以為保
 障所當亟為修建然修建之議又未易言也
 各城工價之費約需二三十萬金始克完固
 臣與撫臣細加商籌反復無策議捐助則黔
 地邊荒官民點金無術勢必動支正項又當
 兵餉匱乏無餘可支惟有請照直隸河南暫
 開事例卽於各省布政司處照例收銀冊報
 該撫轉咨取解來黔發修工竣造冊報部開
 銷如此則捐納者樂于急公而邊地城垣庶
 賴以永固矣

請邊地拔用將弁疏

具官

臣甘文焜謹

題為特陳邊地用人之要懇祈

睿裁破格鼓舞以收實效事竊臣總制文武而文

官所司錢糧刑名稍知撫字者皆能辦此臣

不敢瀆陳外惟是武職一途無事則練兵守

土有事則身先克敵非慎選其人必不能得

收實效蓋黔省古稱鬼方猥苗寇熾反覆不

常離大路數里行坐耕商不離刀弩不知其

性難與相安滇省蠻種甚多性習不一地皆瘴癘人皆視爲畏途不敢輕入兩省之地昔者經畧等臣各處調集賢能之弁悉以破格題授不拘成例故人皆慕名奮志效力亦有成驗矣臣蒙

皇上知遇簡此重任雖遠

天顏萬里然無日不思

皇上駕幸畿輔問民疾苦時下再三告誡之旨及

陛見之日又蒙

皇上諄諄教諭之言臣雖下愚無不思報惟有實心竭力寧靜地方以報

皇恩於萬一也臣自履任後備查滇黔地處極邊蒙番虎視於北交緬甸蠻於南且蠻苗交居於內如土逆王揚祖隴安潘王應詔阿戎等木刻一傳卽日之間蠻苗蜂集實與他省經年積月方可嘯聚者不同所以防禦之事刻不容緩故臣不避嫌疑屢疏

題畱拔用如遊擊止准補一人其餘因部推有人未經補准至腹裏推補之官不諳山險地利地方寫遠非經年累月不能抵任在候代者視地方已非已責在赴任者逡巡不前有如江南廟灣遊擊黃甲推陞雲南開化鎮標中軍候代年餘今部臣既念及江南邊地不拘成例准畱而滇黔更爲極邊似尤當畱補也如平雲艾臣因其勇畧兼備久任邊疆兩

次

日

艾

臣

因

其

勇

題補部議不允臣以人地相宜起見毫無私意如有苟且之心非特有負

隆恩而更有神明式鑒矣今查滇黔將弁歷俸俱深若不就近補用盡陞他省悉補素不諳練之人有誤邊疆咎將誰諉荷蒙

皇上不以臣爲不肖特加信任第使臣言之不行又不能鼓舞用人誰肯爲之用命誰肯戀此瘴險窮荒之鄉用臣一人其何能濟此臣之日夜不自安者也

日亦不日亦亦也

其所以為之深也且一人其所以為之

又不謂其後也人其所以為之

皇上不以不為不為其所以為之

餘之人其所以為之深也且一人其所以為之

其所以為之深也且一人其所以為之

其所以為之深也且一人其所以為之

其所以為之深也且一人其所以為之

其所以為之深也且一人其所以為之

請定處分土司疏

具官臣甘文焜謹

題為請定處分土司事例以便遵守事該臣看

得黔省人民苗獠居其七八總為納糧百姓

雖統治於府州縣衛蓋因深山大箐稽查維

艱不得以催科之任仍責土司但土司內

有遵守法度者亦有凶頑虐下者彼恃無處

分之例因肆行無忌而有司不能繩之以法

即日日督責有司以失察之罪究不能禁其

虐民之惡今如同詳土官張承祿嚇詐部民
甘習吉銀布至十四兩五錢審供有據雖事
犯在赦前免罪追贓然係貪官理應革退另
選其子弟賢能者襲替因律無科條未定招
擬備查律內惟名例開載雲貴大小土官犯
該笞杖罪名不必奏題罰米其流徒以上情
重者仍應奏題等語乃黔滇尙未舉行今承
問官特行詳請竊思此輩舊係漢人世授襲
膺廣有庄田不思撫民乃敢恣意侵害若不
急定爰書倘羣起效尤苗不堪命相率爲亂
然後治之竊恐晚矣懇請

勅部議將張承祿革替究擬以儆其餘嗣後土司
有犯應如名例所載輕罪罰重罪奏題依律
處分永爲定例庶法行而惡習土司知儆害
除而無告苗民受福矣

告病終養疏

具官臣甘文焜謹

奏為微臣夙病陡發頭暈重聽日久漸增更值
母病沉疴懇祈

睿慈俯賜回旂調養無誤封疆事竊臣前任禮部
啓心郎時兩次遇事隨侍

左翼門下晝夜辦事寒茶停滯胸膈膨脹之疾
觸則舉發彼時年方三十雖疾不以為意及
任直撫因前任撫臣王登聯緣事半載積案

數千拮据一載料理將完復以康熙七年民
罹水災親歷遍行踏勘跋涉事多食少夙疾
漸侵嗣蒙

特恩拔任滇黔總督卽於

陛辭之日陸路兼程奔赴貴陽繼因滇疆遼濶題
請親歷查閱正值六月炎熱路經高山深澗
弱軀致染嵐瘴觸發夙疾胸膈膨脹頭面毒
癩纍纍此在滇人共目擊及回黔署延醫王
川調理毒癩雖愈膨脹仍舊臣深感

皇上知遇隆恩未能寸報不敢遽以病辭故勉疾

任事希圖報於萬一延至今年正月以來復
加兩耳蟬鳴漸成重聽頭暈健忘而手射箭

顫搖血氣皆虛復兼臣母李氏年六十四歲

老病纏綿展轉床褥百藥不效臣晝夜侍守

母病呻吟不絕憂心如焚神思昏亂臣病愈

皇上增不能辦事竊思總督何官滇黔何地安可

請以聽聞不聰手顫頭暈神思昏亂之人膺此

巖疆重任也臣何敢諱疾苟延戀祿貽誤地

方不急為據實陳

請即

皇上俯念臣母老病篤臣病漸增准令回旂調養

有生之年皆母子報答

皇恩之日也

臣

臣

臣

臣

臣

臣

臣

臣

臣

臣

臣

臣

臣

臣

陳情再疏

具官臣甘文焜謹

奏為泣陳苦情懇祈

睿慈以全人子至情事康熙十年十月初三日准

貴州撫臣曹申吉為恭報督臣丁憂事准吏

部咨開本部議覆貴州巡撫曹申吉題前事

等因具題奉

旨甘文焜着在任守制欽遵到部移咨轉咨到臣

准此臣捧讀之下不勝感涕交集竊臣屢蒙

陳情再疏

皇上破格隆恩不以臣菲材罪過多端卽行罷斥
又畱在任守制臣雖下愚具有心胸斷無不
捐軀圖報之理否則鬼神難容但臣有孤苦
無託之至情又不得不哀懇於

君父之前臣昔赴任時因無兄無弟子穉無知孤
侶無託無奈將及稀老母隨帶任所實冀朝
夕得以侍養以盡子情不期一病纏綿終身
永訣於他方惟是養生送死古訓昭然實乃
人子之大節今臣報親無地祇此殯葬一事

是可稍盡烏鳥之情如母骸暴露一日不葬
臣之不孝一日不了憂病日增且未有輕慢
先靈苟圖祿位安心怡然供職于士民之上
者此不孝之人卽不忠之人也又安用哉况
皇上以孝治天下無事不以大體表示臣民敦風
厚俗咸登至治今臣年方四十報

皇上之日長報母已無日矣哀懇

皇恩准臣解任扶櫬回旂安葬不過歲餘卽可竣
事或不以菲劣病軀再畀臣於邊疆彼時毫

無內顧之憂即使赴湯蹈火亦人臣之當盡

復有何言此臣之不得已之苦情故敢冒昧

哀奏伏乞

睿慈鑒宥施行臣不勝悚涕待命之至

請假歸葬疏

具官臣甘文焜謹

奏為比例請假扶櫬歸葬以盡烏鳥至情事竊

臣駑技庸才屢荷

隆恩惟矢志殫忠仰圖報答奈因臣母一病永訣

他鄉奉

旨着臣在任守制臣已將孤苦無託至情恭疏籲

請復奉

恩綸仍着臣遵前

旨在于守制不必再行陳情臣捧讀之際感泣交集敢不勉竭心力圖效犬馬但臣母止生臣冒者一人生事之養甘旨未充死葬之禮不能歸土令靈柩暴露黔郊日鑠於蠻烟毒霧之下臣寤寐不能苟安日復一日心志徬徨精神恍惚舊病愈加事務繁冗檢點不能精詳難免貽誤則臣不孝之身更加不職之讐誠名教中之大罪人也今

皇上以大孝表率天下海內臣庶無不感化至

有浙閩督臣趙廷臣總河督臣朱之錫請假葬親俱經部覆准假矣近又有山西撫臣達爾希奏謁父墓亦蒙

恩允臣有此痛切哀衷故敢泣血比例懇陳於君父之前伏乞

皇上下施一類同仁將兵馬事務

勅撫臣暫代准臣於軍政造送之後給假扶櫬回旂安葬畢隨即馳回貴陽清心供職庶于道臣節兩完惟有捐糜圖報

皇恩於萬一耳仰祈
睿慈垂鑒勅部議覆施行臣不勝悚涕待命之至

再籲終制疏

具官臣甘文焜謹

奏為再籲

皇恩准臣終制以敦孝治大倫事竊臣報丁母艱

兩奉其人必小幸

俞旨任守制臣復疏請假荷蒙

恩允同旂安葬曷敢再瀆

宸聰但父母乃天倫之至孝為百行之首且總督

文官為文武官員紳士軍民之儀表凡遇有

父母之喪理應照例丁憂爲風示天下之大
體於情於法萬不可缺卽如臺臣張所志條
恩宥議滿漢喪體守制查疏內云哀哀父母終身
罔極哀毀之中豈能理事若不哀毀仍然理
事者其人必不孝

皇朝廷亦安取此不孝之人而用之等語誠爲敦
教化正人倫之至議也臣查得臣母於康熙
十年七月十七日病故扣至十二年十月十
七日方得服闋叩懇

皇恩准臣丁憂終制所遺雲貴總督員缺不便久

懸并請

勅部另推施行謹

奏

禁革私派積弊碑文

爲永革積弊以除民害事照得則壤定賦按
時徵輸不容有違悖者蓋以錙銖盡屬脂膏
顆粒無非血汗也本都院視事以來無刻不
以斯民爲念嚴禁嚴革不啻至再至三奈地
方有司率皆牽於習弊憚於改觀如征收錢
糧暗勒火耗復任櫃頭重稱起解芝蔴花絨
出票明加貼費行糧供應官不發銀攤派里
甲僉解添搭傾銷鞞木騾價驛馬草料分責

甘肅東公祠堂集卷三
各社交送遇差派累民夫以及差役下鄉害
民社書飛洒增詭等項無一不深入膏肓使
矢志釐剔者卽欲去而革之亦驟難臻效嗟
嗟爾有司非不知賣絲糶穀民力維艱如此
忍心豈非毒於蛇虎且爾有司自幼讀書至
縮符爲吏已所期者致君澤民親所勉者功
名遠大一旦蠅營狼戾立煩白簡事敗名隳
陷身牢獄與窮寇極惡死囚爲伍共最卑至
賤禁卒作緣無論傾性命於重刑犯流徒於
他域卽此一段清夜捫心自想覺天地間亦
無處置放此身矣今

皇恩肆赦百度維新盍亟改頭換面洗滌肺腸共
爲循吏既能爲龔爲黃有造於地方無慚于
幽獨若不亟爲薦揚則蔽賢之咎鬼神豈私
又何庸刻意逢迎專工取媚耶此本都院于
語萬言雖不能補救於已往而熱棒冷喝或
可冀轉移於將來爲民圖慶更生期在斯舉
其或再踵前項諸弊陽奉陰違者彼旣失父

母之心爾百姓自當寇仇相視許據實喊稟
立刻叅處令行禁止毋輕嘗試以自速戾爲
此勒石永禁如左

祭鎮標亡故軍士文

維

大清康熙十年歲次辛亥九月己酉朔越祭日壬

子

欽命總督雲貴部院兵部右侍郎加五級甘 茲
以牲醴庶饑告於 某鎮標亡故軍士之靈曰
嗚呼死生亦云大矣惟義勇之士不可以死
論蓋氣之所次寧殺身以成名豈肯作婦人
女子態婉轉以求生耶哀爾衆士二月徂征

久歷寒暑爭功於鋒鏑之下
舉旗乎險阻之場
實希紀功論賞膺祿受爵
孰意飲血峰頭
殞身巖壑泉臺夜哭
誰為祭掃之親
月地竟飛那
是棲泊之所言之
痛心實堪傷悼
嗚呼然義勇之氣
鬼神降監肯令爾
久作幽魂耶爾
眾士無飲恨於九泉
日今

恩綸載下自當恤爾孤安爾室
飲食無缺永奠爾依歸之處
茲且酌酒數鬯肥腓具醴遣官
致告以慰爾魂爾等其享之母懼

祭凱里陣亡軍士文

維

大清康熙十一年歲次壬子仲春丁丑朔越二十

有三日

欽命總督雲貴部院兵部右侍郎加五級甘茲以
羊一豕一清醴冥資告於凱里陣亡軍士之
靈曰嗚呼人不能以無死然死有名垂不朽
者有死同於腐草者懦怯之輩徘徊井甃間
步不涉里閭聞疾呼而變色老死牖下與腐

草也何異義勇之士氣凌霄漢聽鼓鞀以色
喜寧爲褻革疆場不欲死於兒女之手此大
丈夫之行也爾等其知之乎嗟乎此余爲爾
等悲也逆苗稱亂用施天討檄下之日赳赳
桓桓抑何勇也奮不顧身抑何壯也逆苗竟
爾殄除是亘古不服之苗爲爾等立亘古不
磨之名雖死之日猶生之年則爾等之死爲
得所嗚呼惟是泉臺夜月不無室家之悲此
余之感然爲爾等悼也今功旣成矣余將奏
之

彤廷錫賚爾家茲特遣官以博碩肥膺盡爾之饗
爾等甚有榮施矣其亦可以無憾也夫特告

噴珠泉記

壬子春仲適有金江之警三月八日余提師西行踰關嶺渡盤江至新興之江西坡夜半忽傳西戎北遁之報因不欲黷勞兵士撤營東歸始按轡徐行未至平壩十里許見道右一亭孤立榛莽詢諸左右僉曰此珍珠泉也向莫知之自焦監師飲之拯其痾乃建此亭於是下騎偕諸從事往觀焉池廣數尺一泓清冽泉之湧出水寸許纍纍不絕或左或右此起彼伏狀類噴珠下蔭千畝因與諸從

事少憇於亭隨飲於池上舉觴數行憶昔出使朝
鮮過葱嶺站一山積翠瀑布高懸散若珠飛此爲
巉岼所阻激之使然斯泉也胡爲哉蓋天地靈異
之氣非鍾於山則鍾於水或鍾於人顧黔之山頽
焉若塊草木不毛黔之民愚頑成性虞詐居心求
夫靈異之氣不少概見惟貴陽郭外西北隅漏洩
泉晝夜百盈百虛不爽其度誠天之中氣所出復
委之頽垣敗壁下蕪草蒙茸人莫之顧徒爲山靈
所笑今茲泉珠噴錯落疊疊不休此地有珠璣也
竟同棄於草莽將天地獨鍾之秀幾幾乎概盡乎
人與山也可勝惜哉嗟乎人之不遇數之使然斯
二泉也亦有運氣之厄同於人之不遇乎余聞東
魯之泉有三而夫子聞出爲萬世儒宗意者天厭
首蠻將啓文物而先呈此靈異之徵歟是泉之不
遇於今者安知不爲祥於後也因更其名曰噴珠
併列諸從事於碑陰紀其事以志化成云

復貴州提督李本深書

披閱來書具見忠肝駿發義氣淋漓將竭蹶
以從王作撐天之柱石總統全黔精兵捍禦
疆場大敵此誠本部院之素志亦爲封疆大
臣之所以上報

皇上而造福於蒼生之至計也緬維我

國家定鼎西南荒服之區桂王獻俘於緬甸安
琨受首於水西羅甸櫓槍掃除皆靖魁山渠
賊反側自安文德崇躋於三王武功丕振於

萬國河清海晏福祿永昌念茲滇黔重地撫綏實難鎮服匪易爰

命貴軍門與本部院授以邊疆重任予以闔外兵權是雲貴之安危皆本部院與貴軍門之責更無所容其旁貸者也邇時平西王屢奉特旨調取回京一月之間三次

欽差大人往滇羽檄戒嚴虎狼蟠踞搖動民心披猖鼎沸貴州藩司潘臬司李驛鹽道陳已經調赴晉安州南安等處策應平西王回京搬運家口夫馬持籌儲糈省會空虛兵民惶惑撫都院曹此下失去一段數日來聞

欽差大人星夜奔馳出滇不知所爲此下失去數語塘報杳無揣茲事勢禍亂已熾本部院厲兵秣馬期與貴軍門聯鑣並轡勦滅妖氛幸惟恢弘大畧共披肝胆仰報

皇上浩蕩宏恩提挈兩省兵民出離湯火嗚呼本忠孝真性建英雄事業正在今日矣本部院現馳檄威寧大定黔西平遠安籠各鎮總兵

天以同心同德共勤王事鐘鼓式靈犬羊隊
會更不必俟寇涉盤江始商共著祖鞭也貴
軍門如果志在匡君忠貫日月當與本部院
手足相依公同之車馬便爲於爍之王師板
蕩之功勲標作不朽之麟閣聲名俱泰青史
流芳卽或寇孽猖獗孤城受困本部院任兩
省封疆惟有效南霽雲張巡以身殉國卽屍
無馬革裹還斷不稍有攜二也貴軍門同守
封疆休戚存亡與本部院相爲一體爲今日

計願卽日興師駐劄盤江上流以禦其變馳
檄各鎮結唇齒以互爲聲援本部院會同撫
都院督率督撫兩標人馬堅城固守以待
王師不然者倘恍無從二三其德謬瞻顧於家
室思依俯於前驅進恐成礙退亦多凶未免
雉懼於羅狼跋其尾一失脚時千古恨再回
頭是百年身遺馨遺臭千里毫釐貴軍門其
熟思而審處之毋遺後悔可也

燎思而審慮之其數多辨可辨

腹以百半身靈壽貴臭千里壽靈壽

歡舞於靈壽知女吳一夫湖和干

室靈壽於靈壽而靈壽於靈壽

王

靈壽於靈壽而靈壽於靈壽

靈壽於靈壽而靈壽於靈壽

信願唱日與爾相

甘忠果公祠堂集卷四

人半於地 虞山蔣陳錫雨亭甫彙編

國奎

男國培校正

國壁

四言古

忠果盧中詢

崇嶽篇

靈昭穹宇晶芒炳若日星節麗坤維浩氣廓

如河嶽麟振鳳翽鍾異質於兩間柏峻松喬
崇軼英搽于萬彙惟我

忠果公中外樞衡西南屏翰懷柔及遠碧雞金
馬之鄉綏輯方新蜚雨蠻煙之地乃報劉李
密空懸烏哺私情而泣墓王哀歸卜牛眠吉
兆亡何鴻飛載咏因之豕突旋驚列鎮茅靡
窮邊瓦解幽崖深箐皆爲戎馬之場熨客鬢
人半作戰爭之鬼崑岡失火玉石俱焚滄海
無波魚龍竝盡登床子反誰爲流涕之談飛

天
矢魯連獨有傷心之作簪遺鏡破望夫之石
杳然玉折蘭摧思子之臺安在此睢陽慘烈
自古爲難而信國貞操於今再覲者也用是
厲能擊賊忠可回天蛟鼉之窟以傾烏鳥之
聲相樂人懷安土風清印笱之村戶鮮災黎
澤普冉駝之路於焉

九重色喜特謚恩榮冊府銘勛垂諸琬琰太常紀
績鐫以鐘鏞迺人傑地靈竝樹武侯之德而
家楨國瑞重歌名虎之勳美必彰而盛必傳

光於前而裕於後今中丞繼武聿隆孝子之
思亦士庶啣哀大表忠臣之節繩繩繼繼揚
世閎於隆時實實枚枚立闕宮於兩省屬跌
螭額巍乎摹壘白之碑荔碧蕉丹皇矣賽潮
州之廟庶幾是烝是享允欽鉅典於無疆以
雅以南長播清風於不朽云爾

莫崇惟嶽誰則度之莫浚惟河誰則測之

曰南黔滇厥惟荒陬

天子軫之元老壯猷

以父以安曰教曰養野爲樂土林無伏莽

三上陳情將母來諗烏烏私情誓墓爰請迴

轅砥波如巖之竅竅不剝不頗屹立而弗阿

蛇豕紛如其勢綿如酣如連如蔓言其毒痛

食祿忝位蒙面苟恥隨風靡靡羣爲賊使

大厦將傾一木難支先捐愛妾遑恤其私乞

師東行以恢疆土梁阨舟焚嘯狐聚鼠

北拜稽首臣力已竭死土分耳行方志潔我

玉其躬我毋其衷我節之崇以乞于終

七思身公祠室集卷四
三
皦皦其行孰能汨之錚錚其剛孰能柔之
嗶嗶王旅采入其阻倒戈授首廓清疆宇

曰謚忠果

御書勁節謨誥重加寢廟有奕州載土封

帝簡嗣公闕宮有恤以翼以恭

釐爾圭瓚秬鬯一卣告于文人歲祀弗朽游
麟之冲冲兮鳴鳳之噤噤兮我思君子維邦
之容兮

崇嶽十章三章章四句七章章八句

五言古

潛 錦 通政使左叅政

尚書出三韓道義夙所具早負公輔望落落
與衆殊滇黔重鎮地自昔多權符誰當封疆
任遂令疲民蘇公也開制府措置皆訏謨提
戈入九股萬里芟荆蕪兵革未偃息虎狼起
湏臾闔門呼殺賊舍命誠不渝臣力旣已竭
先後同捐軀至今滇黔間血淚常沾濡睢陽
宜廟食諸葛當天樞祠宇千年新佇見羣蠻

趨神文蔚萬當天獸師宇千平漢台異

去周回舞

翰林院編修問血然常出

祀典昭千古最重者死事功德尚在民俎豆
焉敢替張許在睢陽諸葛於白帝廟貌肅維
新奕世有生氣豈惟百姓心

國典於此寄桓桓甘尚書讀書明大義作督滇
黔時天狗正墮地先事尙未然綢繆行至計
百城倏交証文武各懷貳公居牧伯長孤立
力已瘁灘江險不守致命志乃遂殉難嗜如

飴賢姬及幼穉

天子聞震悼特賜忠果謚忠以表至誠日月無氛
翳果以明至斷雷霆竝勇銳荏苒四十年童
叟時相謂昔值兵燹交酌卮人巷祭今值太
平春禋祀禮宜備庀材復鳩工奔走無畱滯
楹角勢輪奐堂室極閎闕令子建崇牙事迹
志亦繼春風惠編氓秋霜肅羣吏山箐水澗
間百蠻皆大慰式秉公遺教忠孝理無二是
父與是子後先真不愧往歲入昆明輿論心

常記茲紀墮淚詩萬里重明祀妥侑公靈爽
永永毋失墜

謝履忠 翰林院檢討

逆藩昔跋扈縱橫甚豺虎滇黔萬里外鴟張
恃險阻天地本包容明廷正神武堂堂忠果
公伯仲見伊呂旌節臨邊陲長城寄心膂廬
山衰經歸魏博風煙聚時事有適然忠貞夙
自許倉猝馳片檄艱難提一旅連天黃巾幟
動地漁陽鼓哥舒已倒戈常山誓報主防身

有長劍乃為酬恩舉

公以貴撫曹申吉貴

鎮遠隘欲待楚師而守將江義因馳拒

已從逆公遂自刎于吉祥寺前侍妾解捐軀

幼子能從父南入真男兒生死為儔侶

先是盛氏等自盡于貴陽至是子國慷慨與從容

城與筆帖式何善雅免昔從死

斯義各有取峩峩吉祥寺忠魂渺何所大節

徹公始辨本思風木悲湖山更然

九閭震悼涕如雨褒忠典獨崇嘉名榮錫予蠻荒

天一隅疇昔感喚咻自從死事來血淚猶悽
楚緬懷洪武初王吳節可數豈知異代後公

起爲之伍夜月照長松悲風號杜宇悠悠四
十年盛事今再觀

天子念前烈家聲繼開府實乃福蒼生豈獨光門
戶丕哉報本思風木悲陟岵更移一辨香爲
公卜吉土峻絕五華陽靈秀自含茹金馬與
碧雞左右互撐拄陘山以爲屏螺峯以爲柱
盤龍江可帶積波池可俯成之以不日築之
以百堵薦之以蘋蓼盛之以筐筥公猶眷此
邦神其不吾吐欲書中丞傳文筆慙韓愈作

詩紀新祠於世不無補人臣死封疆敢以告
千古

宋衡翰林院侍讀學士

昔恩川嶽鐘奇英太節子臣荷巖疆起烽煙孤城
實坎圻欖槍光欲東扼險灘江可何意徧瘳
猶傷哉事乃左一劍不辱身此日見真我浩
氣千秋存丹心烈如火五華日月新精爽照
忠果

許王猷翰林院編修

往時張中丞臨危誓不貳從容就義死千古
爲涕泗卓哉忠果公履蹈曾無二哲人應昌
期滇黔膺重寄方舒南顧憂樂贊無爲治何
期邁陽九逆藩忽橫肆孤城勢不支急扼澗
江矣失險仍失援慷慨將身致一劍報

君恩之死矢靡異髮衝壯士冠血灑英雄淚令德
啓象賢節旌欣再至重修公政教民懷永不
置五華廟貌新俎豆勤昭事日星仍在天河
嶽仍在地遺像肅清高睢陽同仰企

王允晉

江西道監察御史

民彝秉自天脊梁惟我植正氣塞兩間浩浩
無停息猗歟忠果公節烈何赫奕闕闕擅名
家服官紀懿績建牙督西南遐邇咸悚惕驚
鳥潛鷗張披猖禍靡極桓桓誓整師大義形
於色城孤已乏援氛塵猶辟易急趨澗江險
守將復從賊白日慘不鮮風雲爲變黑睢陽
齒欲折侍中血欲碧取義以成仁殺身寧復
惜大臣死封疆幼子死父側忠烈萃一門箕

尾排冤鬼

九重為愴悼嘉謚於焉錫哀誅何煌煌論功竝血
食碧雞金馬間凜凜英風激忠臣昌厥後孝
子纘厥臧節鉞喜重臨中丞綿舊澤甘棠兩
世陰橋梓一清白小子辱垂青世交數晨夕
時復溯前徽景仰誰能斆遙瞻廟貌新恍覩
忠肝膈正氣配日星俎豆千秋歷

連肖先監察御史

正氣在乾坤每鍾間世英朗朗耀今古恒為

國之楨公早頭角異壯歲列名卿尋秉八州
節金鉞尤鏖鋒俄以風鶴警慷慨誓軍營豺
狼起肘腋小醜亦狎獍險隘不可守丹心堅
如瑛不愧常山志何讓睢陽名嗚呼千載義
凜凜死猶生公今神在天公忠炳日精皇天
佑其後

帝眷錫簪纓秉鉞仍開府謨猷悅輿情漪漪昆明
池藹藹陞山萃薦紳念先烈祀事謀孔明是
父稱是子忠良悉家聲予附梓里光仰止恒

紫紫但自恐勿及頌禱先膺誠遙思巍峩宇
悠然聆琤鳴

林 佶 撰勅中書舍人

日照天南山清光遍滇海中被浮雲翳幾使
蒙旬改桓桓忠果公幾先燭逆蕾尾大慮不
掉剝牀凶豈悔之死以身殉肯活爲言罪引
刀勇自裁毅魄真磊磊竟判元凶骨坐令檣
杌醢西緬就戎索南軍奏樂凱時距四紀餘
英風宛如在褒祀禮優崇新廟制爽塏傳芭
走徼棘屠羊來社宰

聖德念象賢授鉞鎮南壘煌煌禮益隆綿綿仁下
逮一家萃忠良千秋調鼎鼐起視扶桑雲依
然現五彩

張 漢 翰林院檢討

皇帝癸丑歲逆藩與國貳習戰昆明池南天起烽
燧我公志不移討賊明大義上顧有皇天下
視有厚地感激發孤忠一死畢吾志

帝爲老臣悲世祿昌厥嗣秉鉞撫南滇忠貞獨屢

世山水有變遷世事多隆替我公報國心遙
天垂象緯我過文德關凜凜有生氣生氣化
靈禋千古吉祥寺

皇帝癸丑

劉

蛟翰林院檢討

公惟持大義國重身自輕非徒志慷慨深念
高厚情臣心誓不貳獨力難血爭一家全節
孝凜凜氣猶生風雨爲悲號天地皆震驚至
今滇黔士禮祀誌忠誠

七言古

黃叔琳

通政使左通政

少陵自昔推詩史片言隻字寓微旨丞相祠
堂多哀吟碧草黃鸝情未已志決身殲忠果
公上下千秋堪比美森森柏似錦官城獨愧
蕪詞同下里昔公秉鉞臨南荒逆藩之勢正
披猖登陴誓衆還飲血身畱一劍支巖疆可
憐援絕奮空拳勢如常山與睢陽殺賊未盡
罵賊死臨風勿頸髮上指臣力已竭事未了

殺賊更須爲厲鬼須臾

廟算奠金甌倉卒游魂泣釜底當時公設一搖
足出柙或恐同虎兕惟

帝策勳贈崇階惟

帝褒忠錫美諡閭閻處處愛棠陰屹立豐碑時墮
淚五華山畔奉衣冠俎豆年年修祀事陳詞
薦酒神來享立懦廉頑興百世達賢有後洵
非誣濟美忠良多詰嗣開府而今屬象賢父
是忠臣子孝子同時更有范忠貞閩海滇池

兩無愧香比梅花一樣清築祠如傍孤山寺

陳珣翰林院侍讀

豸冠繡斧何昂藏丹誠碧血凌秋霜幾番時
事煩屈指一心誓欲摧欃槍何期昆明劫灰
起黑雲壓城城盡圯大燾高牙誰丈夫甘公
勁節彰千紀公家世業肇從龍累葉勳庸勒
鼎鐘經文緯武才無敵半壁西南支賊衝忽
焉太白乃晝見青萍白練同雷電堂堂大節
不可誣南人心悲血淚枯萬里青燐連六詔

三春杜宇啼嗚嗚神騎箕尾歸天上

九重太息多惆悵平原早識顏真卿巫陽下招予
大葬易以嘉名祀典隆從教百代欽純忠貞
冤盪擊賊氛靖銅鼓蠻花俎豆中忠臣之門
有孝子纘緒貽謀真濟美後先相望四十年
蔽芾詩歌良未已

王思訓 翰林院編修

長鯨激浪昆池洩萬傾翻成龍戰血鬚鬣飛
上碧鷄山頭觸西南天柱折霧作魚尤將士

迷大僚泥首遭燃臍蒼鶩匝地銅馬健花叢
蹂破金陵堤霜聲振動幾千里前突鷓軍尹
與史靈寶不戰哥舒降睢陽誰効中丞死重
臣抗節獨有公戟張髭髮聲靈霍誓掃妖氛
難徒手呼天灑血黔山紅臨淮齧指少南八
無與守者妾空殺羽檄親馳出調師欲以精
誠格所轄時公聞變將守城拒賊而將士已皆從逆勢莫能支因謀馳赴鎮遠
扼抗咽喉調集單騎提攜穉子孤何善雅兔
楚師爲恢復計奔相扶苦飲三日豺虎血溯從澠水穿崎嶇

但期調集楚衆力枕戈滅此方朝食遍地腥
羶蜂蟻多橋上弓刀樹如棘空有浩氣絕外
援舌在不愧顏平原隔河罵賊怒清涌沙洲
徒卒聞斯言從容步至吉祥寺北望再拜畢
臣志幼兒引頸兩客隨笑赴重泉事不二江
臯亂石埋幽冤鵲啼猿叫愁鴟蹲天地黯慘
日光薄靈精貫月悲黃昏大兵南下靖醜孽
先闢蓬蒿尋壯烈傲骨哈呀護鬼神握拳透
爪皆猶裂

九重動色咨廷評錫以忠果名錚錚羣生享比竹
王墓踏謁夔鼓吹蘆笙漁人猶不忘厚德築
以佳城植松柏哀吟楚些日歸來祭酒登高
招毅魄貞臣之後世其昌繼麾節鉞臨巖疆
過廟挽思暮雲濕專祠東郭升馨香在昔子
充不辱使千秋奇節芳蘭芷有人慟哭記滇
南復見今時王孝子喬木歷歷煙蒼蒼高山
仰止煙水長豈必羅池賽神降丹生荔子芭
蕉黃吁嗟老漚逆天道七國因之不能保溪

甘忠果公前堂集卷四
毛澗滌薦孤忠何處吳宮問花草

呂謙恒翰林院編修

癸丑窮冬滇雲黑逆藩拒命勢孔亟西南半
壁倏欲傾金戈鐵馬無餘力老臣淚盡聲長
號壯極猶仰星辰高急思扼險趨澠水一劍
報國何雄豪碧血灑處乘箕尾大厦崩摧巢
欲毀仗劍殉節何從容可憐愛姬同季子亡
何命將決長鯨丹書天上錫嘉名

大朝廷賜卹儀有加孝子餘哀志未平四十年來
成萬古嗣君節鉞重開府都人瞻望繡裳來
悲喜交心歌父母五華雙塔帶祠堂雲山蒼
蒼水茫茫從今臣忠與子孝歲祀春秋蘋藻
香

陳瓚刑部郎中

天地正氣曰浩然含英毓異輝山川化作忠
精貫星石或爲雷電威八埏維持倫紀振大
義支撐宇宙當危顛此氣乾坤本特鍾千秋
今復萃我公鐵作肝腸冰指操結爲丹悃凌

蒼穹天禍滇黎遭世孽
湟池兵弄昆明血
鯨燄腥風穢太清
搖山撼嶽天崩裂
我公持節制黔滇
兀兀精忠稟不遷
孤掌難支氛戾氣
獨將血淚洒空天
一門冰玉同時盡
碧燐點點悲寒煙
臣心惟此爲

君報畱取丹青勵後賢
氛消煙靖世重清
地轉天

迴日月明

聖主憫忠衰姓字特加忠
果樹芳聲忠孝自來昌
後哲萬里重瞻開府節
五華片石載輿情盡

使斯民見忠烈

黃叔瓚湖廣道御史

滇水橫流驚路沓
夜郎道飛烽火餘子豈
盡昧網常無那臨危都
尾瓚惟公秉性自孤
貞此日當幾無兩可孤
掌難鳴復問誰顧身
欲致寧知我時平大烈
炳乾坤

帝錫嘉名曰忠果
世胄重來節鉞新
祠宇不煥精靈妥
几筵滲碧碧鷄揚
棖角鏤金金馬播
擊鼓撞鐘六詔歌
洪名懋節千秋荷
嗚呼七劍

全憑百練才丹誠上與帝天回試看今日昆
明畔為問全軀安在哉

帝題嘉谷楊繩武

翰林院編修

趙師守

駕鷲高飛鴟吻張羅平妖鳥紛扶將滇池倒
竭海水立陣雲低壓城頭黃三方聯絡足苞
孽氣污爨焚翻點蒼爾時神謨在

廟堂飛書馳檄方周章孤城獨處外援絕欲為
後圖趨巖疆據險不得力已竭將星此夕寒

無芒臣死

忠

君兮子死父千秋大義扶天綱時平耆老三歎息
禮宗肇祀臚烝嘗元侯濟美新廟貌丹題畫
桷靈旗揚純忠大孝各千載門前石碣凌微
茫

趙

城

翰林院庶吉士

趙

黔之山峻嶒直上薄雲間摩天千仞不可攀
滇之水石粼粼兮秋風起悠悠萬古流不已
中有偉人臨大節日照丹心灑碧血難挽銀
河洗稜氛乾坤正氣凜如烈丈夫捐軀馬革

畏吉祥寺古碑如堦行人歎息溯忠果老僧
猶能話烽火惟我忠果公有子康公之後穆
繼美受眷於

天錫繁祉蒸民爭看舊簪珥重來福我故邊疆鼎
新祠宇肅冠裳父爲忠兮子爲良歌功戴德
兮山高而水長

薩綸錫

翰林院庶吉士

正氣凌寒何凜冽石破天驚雲樹白劍光耀
日起風霾忠魂血染青山碧精英獨注玉華
下千載如生衛民社羅岩古木摩蒼穹一泓
海水乾坤瀉

管

榆師宗州知州

渤海尙書勁節篇
尙書開府滇黔疆西南半壁軍容張旣咨岳
牧歌喜起復以方名銘旂常不遑將毋陳情
請文成誓墓松楸冷忠泉孝笋一時生旗旄
再向南天整貴陽城頭揮羽扇登陴志切澄
清願挾纊能收壯士心知幾早料兇徒變滇

池蛇豕竟縱橫赤眉銅馬稱黃巾喪心蒙面
看若輩同時許遠無其人尙書按劍多慷慨
古來得失誰可待量沙力盡苦難支掃箠謀
空計安在惡鴟嘯雨北風寒寡鵠雛鸞涕淚
闌請爲相公先殉節七夫隨義血花斑匹馬
東行志恢復睢陽誰借援師入蟻聚蜂屯敵
勢驕持矛髮指呼逆賊痛捐愛子死牂牁其
時水沸江迴波從容再拜臣力竭黑雲壓日
光盪摩戰馬長鳴悲失主鬢眉戟張無敢迂

吉祥古寺比常山作臣之則死疆土剛大浩
氣千年芬南八不屈當何言悲風夜夜咽灑
水素車白馬來忠魂王師雷霆殄狐穴靈旂
彷彿佐殺賊轉瞬蠻煙盡廓清褒嘉特賜千
秋筆勁草蒼然知疾風後凋節表歲寒中忠
以仁至果義盡易名之典如山崇滇人思公
歌九罭歲時伏臘駿奔亟喜見中丞擁節旄
子來趨事廟巖翼輪從北返走千山黔土祠
堂鎮百蠻再覩此邦崇祀典欣看正氣重人

間公冢功澤如名虎和地圭瓚命自祖文德
既矢四方洽

天子萬壽賡常武

五言排律

李先復 兵部左侍郎

豐沛鍾祥遠崔盧錫類繁精瑩姿獨粹謙退
性恒溫月淨皇華轡風清棘寺轅謀猷昭鷺
序勞勩徹薇垣惠政侔黃霸廉隅比鄭璠滇
黔倚作柱楚蜀恃維藩洱澤波初靜蒼山霧
始掀熨僮纏綵索蠻女舞花幡豨突何堪說
鴻飛詎忍言半生豪傑志屢世

聖明恩誓旅孤臣憤陳師大義尊經時援已絕矢

日命奚存黯淡邊雲慘蕭條瘴雨昏千年餘
正氣一室盡忠魂烈行聞

丹闕褒綸降白旛令名垂海嶽大節竝乾坤伏臘
牲牲潔春秋享祀煩民心懷舊德

帝眷篤高門哲嗣方三傑多才擬八元執膺重秉
鉞積慶信逢源

薄有德

翰林院左春坊左庶子

幽薊從龍彥滇黔仗節鄉彩雲飛六詔歸鶴
憶遼陽弱冠趨朝省崇班歷拜颺世家知守

禮國器抱非常雄鎮憑三孽遺黎痛一方師
行專撫卹德意遍要荒風勁人操弩雨晴戶
植桑轡花暖自笑狄鳥馴來翔人事謀非拙
天心禍未央燎原方撲滅積寇旋披猖黠鼠
揆逾黠長蛇斬更長憂危在呼吸淬礪作堤
防手自援桴鼓時還草報章身家從劍匣枕
席事戎行臨難佳兒侍呼天愛妾戕力窮心
不死劍在義彌彰撒手懸崖去乘箕上帝旁
忠貞酬夙夜果毅殉封疆

卹典恩榮重家聲
節絳光丈夫洵有子
父老盡携漿台鼎
需時列旌幢
此地張立身
逢世泰報國願
臣良按轡調
騏驥和鳴來
鳳皇王民自皞皞
豐歲每穰穰
地有絃歌沸
星空貫索芒淋漓
四郊雨清白
庭霜招客開
蓮幕評詩醉月觴
登樓生感慨
陟岵動悲傷
故壘逢金鏃
平沙入戰場
單車謁古廟
勺水奉秋嘗
洒掃勤從事
恢宏志未遑
閭閻一歌舞
木石競輪將
舊祀同前烈
專祠著肯堂
實枚堅板築丹
獲儼輝煌雲
氣層層白山
容點點蒼鳴
禽飛向戶種
樹出於墻
落日靈旂閃
春風碧血香
精忠啓大孝
千載蔭甘棠

柴謙 刑部郎中

古徼開雄鎮
遐陬簡重臣
才兼文武畧
任寄股肱親
方謂鯨能化
何期虎未馴
狼煙生肘腋
豕突擾風塵
六詔無堅壘
羣兇塞要津
登陴空洒淚
免胄已亡身
碧血畱天壤
丹心泣鬼神
妖氛終一掃
正氣會常伸

甘忠厚公祠堂集卷四
聖主恩綸重賢嗣節鉞新風清滇海外仁溢潞江
濱不獨光前烈行看秉國鈞追思勤父老俎
豆重明禋小子通門久蕪祠仰斗陳叨依簪
筆侶忝附玉堂茵伏讀忠公傳千秋烈不湮

張大受 翰林院檢討

盛代綱常重忠臣典禮榮祠堂松柏挺冕紱
日星明鸞鶴陪瑤轡龍蛇擁翠旌丹心懸北
闕碧血凝孤城直灑苗蠻淚長垂宇宙名後
賢重秉節多士各升黷俎豆陳馨德鐘鼗奏
正聲民懷歌且泣神格送仍迎萬里嗟長逝
千秋儼若生曉煙啼蜀宇春雨采湘蘅巫祝
招魂遠儒紳慕義誠英靈憑永鎮絕域掃欃
槍

徐 涵 戶部郎中

國典褒忠節丹心竝日光官勳推耿賈剛烈
擬顏張絕徼畱英魄中朝仰令望曹彬看瑋
繼吳質得威彰舊德懷逾切新猷頌正長應
知懿好在奕禩肅蒸嘗

張懋能翰林院檢討

清寧資正氣危難識忠臣一代英靈著千秋
俎豆陳甘公誠間出名世邁常倫弱冠登朝
早宏才樹績頻丹墀深雨露金節寵絲綸九
賅謳歌遍五溪威令申何期三孽禍颺起四
郊塵義憤橫天地孤忠泣鬼神反戈多管敢
礪齒獨張巡信矣臣心竭其如時事屯合家
殉國難一劍報

君恩哀誄紆嘉謚悲思動下民朝端隆典禮里巷

奉明禮名炳丹青耀光垂日月均三忠祠不
朽專廟祀維新盛德應昌後崇恩復庇人誰
言施報爽勳闕有傳薪

何煜禮部員外郎

大義昭千禩榮名錫

九重豐碑光日月雕桷麗雲龍萬里櫓槍起孤城
刁斗衝軍危宵隕石節挺歲寒松盡室悲歌
切呼天慷慨從巖廊樂膳徹俎豆歲時供世
德聯忠孝新祠特顯庸清風蔭茂柏香篆泛

崇墉趨拜扶耆耇
謳思協警宗從茲稱不朽
滇水竝華峯

謝 疇 雲南癸巳科舉人

宇宙惟公傑寰區仰大賢
忠誠貫日月節烈壯山川
遺像畱今古輿歌溢後先
股肱隆夾輔內外歷旬宣
屏翰光天寄長城福曜連雙
藩專節鉞重鎮控滇黔
細柳雲開影高牙月共妍
梟首恣小醜砥柱障南天一
劍生平志孤臣萬里懸
揮戈返魯日握爪透顏拳慷慨
登陴誓從容就義堅
狗公身不顧報國志猶全
八口家何託羣僚血共濺
吉祥猶有寺幻影詎同禪
星隕旌幢暗峯頽鼓角填野風
悲慘淡澗水咽潺湲大節無虧矣
成仁亦自然褒嘉崇典禮狀貌肖
凌煙兩字推忠果千秋祀簡編
貽謀今可繼遺愛更無前邊徼
英風在祠宮嗣續綿遠光先代
烈大慰萬民虔樹老堊棠蔭碑
高聳月圓普天瞻姓字合省頌
喧闐制府堂初闢中丞惠竝傳
丹心昭嶽嶽

浩氣滿坤乾昔也忠魂烈茲今廟貌專蒼蒼
松柏裏俎豆永千年

張遠祿豐縣知縣

九天咨岳牧南斗握兵樞備績籌邊策清標
協範模甘盤典于學名茂政先敷化日羅施
國仁風洱海隅蠻山無伏莽烏道慶康衢李
密陳情切王哀拱木呼

聖朝崇孝治子職解軍符表繡歌膚碩黃巾恣遊
圖迴車聞豕突守土悉狐趨立地千峯峻撐

天隻手孤雲山悲作梗帶水計懸壺萬慮心
存赤千軍淚盡枯頹波流莫挽一木厦難扶
鏡破傷鴛侶珠埋泣鳳雛睚陽羣殉節魯國
遂捐軀厥後殲殘孽窮邊復坦途彤軒加寵
錫紫綬頌鴻謨麟閣高名最

龍章特謚俞琬琰鑄睿濼拒鬯叶皇考世德重光
耀崇勳奕葉殊此方天作合衆志地靈孚寢
廟飛翬翼几筵走祝巫蘋繁爭祭菜髮棘競
陳醑百禩蒸嘗在河山壯舊都

五言律

仇兆鰲

吏部右侍郎

仗鉞守南天
忠誠日月懸
動綏消蜚雨
談笑伏狼煙
樂毅離青海
隗囂肆隴川
歸來惟一死
勁節永千年

李

綏

翰林院侍讀學士

諸葛營何處
公祠盛苾芬
淒涼遼鶴影
慷慨碧鷄羣
一死封疆在
諸生俎豆聞
至今望南徼
五色爛卿雲

王功濯 戶部郎中

大節追張許 還餘清白風
象賢重秉鉞 輿論立新宮
共信臣如子 真成孝作忠
聲名雷俎豆 長竝五華崇

吳應鳳 戶部郎中

浩氣塞天地 大名照古今
馨香千載肅 祠廟五華臨
碧化忠臣血 丹雷報國心
象賢看繼起 披拂舊棠陰

喬學尹 翰林院編修

乾坤含正氣 節義凜芳名
許國身能死 酬恩事已成
光芒雷寶劍 憂憤積邊城
血食千秋事 人懷忠果情

曹鑑臨 翰林院編修

琬琰勳庸在 英姿賈耿親
神猶呵猊貊 形已畫麒麟
巫祝陳歌舞 衣冠薦漆蘋
仍聞誇濟美 劍履近星辰

張元懷 翰林院檢討

孤城不可守 抗節似真鄉
報國丹心在 捐軀

廿忠男公祠堂集卷四
勁節成箕裘揚世德
榮戟煥庭楹凜凜英風
遠千秋儼若生

美論梅廷對

翰林院檢討

回憶櫓槍動驚傳
碧血新孤忠懸日月
碩果綴蒼旻世美中
丞績祠尊六詔親馨香紛四
達萬里肅明禋

嚴思位

翰林院檢討

丹心爭日月濁浪沸滇池身許

君恩重仁成忠節垂空祠啼杜宇正氣合神

瓣香如在行臺永孝思

戈懋倫翰林院檢討

嶽降惟申甫遺徽汗簡揚丹心
明皎日勁節凜秋霜俎豆千年永
箕裘奕葉昌滇南瞻廟貌纘緒播餘芳

鄒圖雲

河南道御史

廟貌重新日英姿儼在時
風雲環甲馬陰雨見旌旗
碧血三年化丹心萬古垂
孝思知不匱昭格正遲遲

甘忠果公祠堂集卷四
三
繆沅翰林院編修二首

羅平妖鳥出烽火遍南陲
洱海看持節黔疆
首誓師乾坤雷正氣
風雨偃雲旗萬古思
叩路猶餘墮淚碑

册府勳庸在苴蘭
俎豆新斗杓近閭闔
圖畫照麒麟一戰思
殲賊孤忠早致身
象賢繼節鉞曳履上星辰

王懿

順天府府尹

効忠惟一死慷慨志如存
氣壓山河壯魂埋
日月昏丹楹光俎豆
大節炳乾坤繼世承
謨遠懷哉罔極恩

張倫至

南安州知州四首

西南天險國

帝簡重元功黼黻夔龍竝
絲綸伊呂同邊鬣腴德
澤遂箐扇仁風萬里長
城在拚飛敢逞雄
誓墓縈情迫公歸賦袞衣
長風看鳳逸小醜
肆狼威載路橫鉤棘披圖
矢指揮轅還空曠
日時事與心違

孤臣悲力竭報國只捐生親愛情遑恤忠貞
義共成班師歌凱後錄典寵綸旌

天語珉碑屹崇祠頌穆清

中丞今建節屏翰繼前猷立廟輿情若升馨
世德求絳花迎靄入翠琯切雲浮陟降昭千
古靈風自閭邱

七言律

陳誥 禮部尙書

司馬騎箕返帝鄉滇黔人咏名公棠孤忠血
灑千年碧遺愛祠畱一瓣香墮淚望碑同峴
首奮髯如戟想睢陽天教君爽能昌後作考
南邦俎豆長

王頊齡 工部尙書

掀髯嚼齒氣能吞報國捐生泣夜猿潯水淒
其流日月華山依舊鎮乾坤百年未了安民

志萬古猶存殺賊魂俎豆不忝輝繼述豐碑
紀烈五華原

李旭升 吏部左侍郎

尚書一死能完節氣掃陰氛殄賊狂萬里烽
烟餘碧血一門忠義冷秋霜昆明如挹松楸
塚中慶應專俎豆堂英爽不隨燐劫散英風
千載倍芬芳

胡作梅 禮部右侍郎

孤城萬里隔

君門三尺青萍報國恩箕尾霄昇留壯氣心頭碧
化酒忠魂雲愁玉案神常在水咽金沙恨尙
吞節鉞新麾棠蔭舊馨香千載薦溪蓀

李華之 刑部右侍郎四首

碧雞金馬總塵埃人向尚書新廟來白石江
頭花似血綠蘿山下鼓如雷土蠻猶記將軍
樹行客重登節使臺此日華彝同一拜天風
獵獵角聲哀

丁年持斧出皇都狔狔爭傳甘大夫陣壓重

關雲破碎腰懸一劍血模糊誓師但有頭堪

斷罵賊焉知舌已枯百口遊魂歸不得石屏

山下夜啼烏讀史臺北日華集四一拜

只今嶺表百蠻通諸葛營前掛柘弓碧血不

流臣力竭嘉名肇錫向何書傳

主恩隆綺疏藻井歌猗女春露秋霜泣熨僮颯

靈旗倏來去年年花發杜鵑紅

重聞檠戟列朱扉清白承家事不違政比趙

衰貽趙盾人因胡質認胡威兩迤爭拜新開

府六詔遙瞻舊袞衣我寄南雲酌杯酒江蘼

沉芷思依依

王之樞內閣學士兼禮部侍郎

殲逆謀雄夜枕戈四郊壁壘悵猶多樓舫自

合勞揚僕馬革何當裹伏波志與天南為保

障名畱身後壯山河

聖朝萬載垂裳理廟貌從今永不磨

顧悅履內閣學士兼禮部侍郎

牙幢開處鎮邊荒為國捐軀大節彰萬里忠

魂依北闕

九重卹典耀炎荒黔陽廟建神斯在滇海歌騰祀
正長勁節果堪傳史冊祗今遺烈永畱芳

梅之桁

詹事府少詹事兼翰林院侍讀學士

靈光皎皎夜郎西萬丈威稜照六黎丞相祠
前霜柏動竹王坡下月鶻啼三忠正氣參金
馬專祀貞魂峙碧雞世胄重來開祭戟大蒸
允與帝鄉齊

李永紹

光祿寺少卿

箕尾煌煌作歲星猶臨滇海福生靈捐軀報
國惟忠赤奕世流芳有汗青雙戟重開還舊
履專祠新建寫遺型江山如昔英風在奠酒
堦前淚欲零

陳璋

翰林院侍讀學士

乾坤大義有誰擔耿耿丹忠共識甘身為封
疆先盡瘁心憂寇盜更如倏干戈一死傳芳
烈俎豆千秋屬美談却羨中丞能繼武依然
旄鉞鎮滇南

吳士玉 翰林院侍講學士

吉祥遺跡暗荒原祀典輝煌荷

主恩身到成仁獲死所碑顏勁節儼生存丹心不

泯風雲壯畫拱方新俎豆繁再世建牙臨舊

上天教孝嗣慰忠魂

趙熊詔 翰林院侍讀二首

峩峩廟貌享明禋六詔謳思舊事頻血染戰

袍臣力竭名垂汗簡

國恩新重臨節鉞仍華胄永勒鐘彝啓後人覲

首碑前清淚落千秋直道在斯民

免胄交綏膽氣豪將星欲墮陣雲高一門殉

節同茲日前路降旗笑爾曹自是素心存馬

革誰能授命等鴻毛於今堂構重輝映子孝

臣忠荷

寵褒

楊存理 兵科掌印給事中

慷慨嬰危勢已竭獨留一劍壯山河丹心抒

志扶紅日碧血凝寒冷綠波地接五華連廣

漠門臨雙塔鬱嵯峨九原遺像存棠蔭萬古
千秋氣不磨

錢以塏刑科掌印給事中

夕陽滇海淚殘碑配社於今繫所思五月渡
瀘開建日一門罵賊効忠時黃蕉丹荔羅池
廟溜雨蒼皮丞相祠得似我公遺澤遠代興
人復鎮南陲

詹嗣祿

工部掌印給事中

公已騎箕列上台猶餘正氣壯風雷闔門殉
敵真忠矣一劍酬恩更果哉祠外青松高鐵
柱峯頭碧血點蒼苔象賢復秉南滇鉞旌旆
飛揚舊雨來

王

誥

翰林院右春坊右贊善

先生視死竟如歸報國全忠志不違天上絲
綸旌節義堂前棨戟動光輝象賢繼起聲名
遠遺廟更新德業巍從此千秋勤俎豆神鴉
長傍碧烟飛

周祚顯

陝西道監察御史

萬里捐生向紫宸蒼茫正氣滿乾坤千秋碧
血英雄淚一片丹衷社稷臣山左屏藩來鼎
胄滇南節鉞繼前人世傳忠孝應無匹
帝眷維隆俎豆新

徐樹庸

湖廣道監察御史

錦繒樓船舊虎臣昆池壁壘氣嶙峋報恩激
烈真開府伏節從容見古人涕淚殘碑追往
烈丹青遺廟肅明禋只今銅柱苴蘭外猶覩
箕裘世業新

唐執玉

戶科給事中

竹王祠下經過處細雨殘陽憶挂弓六詔風
煙標峻節千秋俎豆祀孤忠曾將碧血埋青
草剩有丹心貫白虹讀罷豐碑餘恨在北邙
吹徹暮號風

嚴開景

山西道監察御史

大蒸崇祀報貞臣載見甘棠廟貌新諸葛孤
忠酬漢主昌黎舊德念潮人丹青難畫靡他
志俎豆長留不朽身最是象賢能續緒旌旗

重建易門津不似良道

許維模 雲南道監察御史二首

耿耿孤忠炳日星滿腔熱血噴蒼冥貞魂應
化千年碧勁節常留一寸青此日身家總不
惜於今俎豆有餘馨南天到處豐碑樹氣吐
長虹繞篆銘

慷慨惟餘報國心凜然大義作官箴高風直
比華山峻遺澤還同洱海深六詔羌蠻皆欲
泣五溪草木盡生欽南人世戴甘棠德怵舞

重遊棨戟臨

董之燧 雲南道監察御史

元老勳名四海尊千秋正氣壯乾坤丹心碧
血酬

明主玉節金符啓後昆冠劍瓣香瞻廟貌蠻獠
酒泣忠魂棠陰峴石都餘事彤史流芳紀一
門

吳蔚起 貴州道監察御史

忠果題旌兩字香尚書殉節事堂堂天連戰

壘沉雲黑風拂靈旗落照黃野老餘思悲宰
木中丞嘉績繼甘棠卽今梁益爭祠廟墮淚
豐碑竝點蒼

王敬銘

翰林院編修

九重簡命鎮南疆節制臨戎氣若霜詎意梟音倉
卒起頓成馬革道途傷民思舊德新成祀天
眷前人後更昌斧鉞重來臨此地忠良繼世
澤方長

陳治滋

翰林院編修

纔制英風震八垠滇南俎豆慟耆民三忠
見歌思舊一瓣香今薦饗新雙塔巍峩標勁
節五華澄爽淨妖塵孤忠嚙齒真無恨幕府
重開有後人

徐雲瑞

翰林院編修二首

六詔當年狼顧雄天生波蕩顯孤忠周身碧
血凝雲紫一片丹心捧日紅俎豆何人堪作
配笙鏞特奏未酬功河山帶礪年年在
帝眷前勞恩獨豐

祠堂重闢五華山雙塔高懸霄漢間野草綠
沾新愷澤春花紅濺舊啼斑忠魂自足留千
古浩氣常教鎮百蠻但看旌幢風影裏月明
猶復照公顏

沈翼機

翰林院編修二首

奕葉崇勳鳴玉珂忘軀報國枕干戈南荒蠢
動烽煙起元老精勤坎壈多萬里孤忠光日
月千秋偉節壯山河于今夜半經風雨入廟
猶聞正氣歌

總制西南韻畧奇患生肘腋勢難支忠如丞
相興師日勇比常山禦賊時慷慨臨危身冒
刃從容就義口吟詩一新俎豆瞻靈奕開府
重來展孝思

徐葆光

翰林院編修

牙節重開滇海春五華山下廟維新兩邦俎
豆追前烈再世勳名付後人血灑邊疆全化
碧魂歸故國已消塵忠臣笑語今如接欲奠
溪毛倍愴神

景考祥 翰林院編修

絕徼孤旌靖遠塵
臨戎慷慨義捐身
氣同赤簡綏南服
血化青燐向北辰
華胄重來新節使
荒裔猶祀舊忠臣
華山俎豆崇祠廟
猶是當年戴德人

張起麟 翰林院編修

龍節南來萬里趨
俄驚烽火動邊隅
忠能報國家何有志
欲捐軀氣不孤
一劍青霜寒虎帳
千秋碧血照麟圖
苾芬祀典蒸嘗繼
鈴閣

清風奕葉模

汪份 翰林院編修

封狼煽逆起梁州
報國輕身志未酬
貫日忠貞垂竹帛
歷年黍稷著春秋
方看丞相祠俱永不使
威侯謚獨畱
今喜後賢能嗣德
旌旄重卓點蒼頭

王時鴻 翰林院編修

天南一柱倚元勳
雄畧英聲宇內聞
節義名堪爭日月
精靈氣已挾風雲
表忠祀典丹青

志啓後褒榮帶礪文接武建牙崇駿烈瓣香
千古獨氤氳

嵇曾筠 翰林院編修二首

節旄控制向南疆逆孽憑陵敢跳梁六詔烽
烟傳澠水千秋忠盡殉蠻鄉空悲上將星違
度羣痛中台曜掩芒矢節全家昭大義丹忱
碧血照旂常

尙書祠廟冠三忠一瓣還承

帝眷隆地接五華開寶域門臨雙塔竝蒼穹弓刀
褒鄂先人澤俎豆文章百代公遺烈幽光憑
繼述謳歌萬里正無窮

任蘭枝 翰林院編修

當年一劍誓酬恩遺廟丹青此日存鐵馬尙
隨邊月動靈旗還捲陣雲昏經過故將悲砂
礫伏臘居民薦藻蘩快觀中丞祠下拜應知
求孝本忠門

涂天相 翰林院編修

六詔三賢祀事明功高專廟見精英碧鷄山

叫孤魂起金馬風嘶浩氣橫
熱血滿腔都化碧蠻煙萬里
却畱青後先節鉞推忠孝拜
向泉臺倍寵榮

于廣

翰林院編修

金馬山前賊未休程番銅鼓陣
雲愁千秋大義歸青史一劍孤
忠付白頭當日節麾畱愷澤
至今祠宇仰風流百年六詔蠻
煙裏俎豆輝煌

主眷優

湯之旭

翰林院編修

雲龍盛際慶初逢千羽何難奏
偉功仡仡元臣明大義囂囂賊子
忌孤忠魂歸萬里靈風滿地接
五華浩氣通俎豆千秋真不忝
滇南廟貌勢穹窿

楊士徽

翰林院編修

袞鄂弓刀開壯塞樊周政績樹
南滇功艱郭帥勤玉地節若顏
鄉罵賊年絕域忠魂冲白日空
門浩氣塞蒼天五華山畔千秋
廟瞻仰

豐碑盡泣然

須

洲翰林院編修

手障南天一柱尊黃金瀉范儼然存但令死
後除銅馬何用生前入玉門昆海春波流浩
氣碧山落日照忠魂卽今繼述仁無改長嘯
歸來見子孫

王奕仁

翰林院編修

變起黔滇賊勢張孤忠千載繼睢陽英魂遠
布風霜肅臣節昭垂日月光弓冶重看新斧
鉞祠堂長奉舊冠裳南天尚灑遺黎淚食報
應占奕世昌

薄

海

翰林院編修

正氣乾坤自古留黔滇制府擁貔貅獨當豕
突鴟張日化作鵬啼鶴怨休忠果自天題姓
字撫綏此地復公侯專祠俎豆甘棠在名虎
親看醉一卣

蔣

漣

翰林院編修

忠貞亮節重山丘宇宙完人世罕儔身比金

湯持萬里明爭日月壯千秋青桐碧草祠諸
葛丹荔黃蕉頌柳侯莫道旌褒多異典森森
正氣自長留

峴碑淚點尚潺湲又見清風繼昔賢雲護甘
棠陰更遠草承舊雨色重鮮恤民經國原家
學子孝臣忠有世傳豈獨南滇稱濟美流徽
竹帛定雙懸

沈宗敬

翰林院編修

冠代勳名象緯懸成仁行義志能全大星一

夜從天落碧血千年入地堅

北闕褒忠崇舊禮南荒報德祀名賢今看名虎光
前烈廟貌重新滇海邊

蔣汝澍

刑部員外郎四首

龍雲氛靄自天來色耀台垣映九垓國士登
朝光黼黻盛時敷政息風雷恩深鴻鴈

皇仁被威動溪蠻嶺瘴開茂績便應垂宇宙艱危

尤試棟樑材

八州金鼓震山河共倚將軍有伏波電掃欃

廿忠身公祠堂集卷四
槍方欲盡城空雀鼠竟誰何孤忠萬里辭

丹闕碧血千秋染太阿從此英名標史冊紀功碑

皇一碣竝煙蘿

忠臣濟美作良臣又見崧高嶽降神海濞風
清千尺浪江南日暖萬家春職崇屏翰謳歌
滿勳耀旂常

寵眷新下邑當年思名伯趨庭我幸識裴倫

初聞節鉞鎮滇中地極南垠向化同鎖鑰至
今須冠準士夫誰不憶文翁總帷氣肅丹青
像羽帳寒生檜相風應是靈光千古在歲時
俎豆想英雄

張謙刑部郎中

大星芒角落哀牢封豕長蛇掣巨鰲新息豪
雄甘馬革臨淮慷慨插靴刀千秋碧血精靈
在兩字綸音日月高依舊南天承世業崇祠
和淚薦溪毛

蔣洪澍刑部郎中

志殄渠魁誓舍生如公始不愧全人啣恩節

制丹心苦瀝血遐陬浩氣伸
早卜元勳昌後裔
今看孝子作忠臣
睢陽壯志何多讓
崇祀千秋俎豆新

張縉翰林院編修

許國捐軀等逝川
英名靈宇共巍然
常家忠武生前著
李氏威侯死日傳
萬里精魂光海芷
千秋俎豆肅几筵
至今棨戟名門盛
應歎先賢啓後賢

孫嘉淦翰林院檢討

關河萬里陣雲平
灑血提戈潑水清
忠激君恩山岳重
義裁身命羽毛輕
丹忱碧血英靈在
綠草青桐廟貌成
今日五華山畔望
風雷猶作鼓鼙聲

豆蕝陳法翰林院檢討

元臣遺愛滿滇中
祠宇崢嶸伏臘崇
一世精神歸大義
千年血食答孤忠
蕭森氣繞靈旗
月激烈聲雷
老檜風更美
哲人今有後
太平事業續前功

黃趙音 翰林院檢討

先生志節高嵩岳萬里孤忠報

聖王遂志不辭歸冥漠捐軀寧復意倉皇丹誠早
得編青史碧血常留貫太陽今日五華新俎
豆蘋蘩千載有餘香

曹掄彬 翰林院檢討三首

強藩遊談熾邊郵半壁西南仰大猷時事難
爲臣力竭

國恩惟託夢魂酬常山破舌心同壯校尉啣鬚義

是求荒徼而今歸版籍河山正氣鞏金甌
銅柱何人馬革香忍拋百口盡綱常鴟鴞毀
室孥俱斃哀鶴成行子亦亡碧血夜飛灑水
側丹魂時遶鳳城傍千秋欲識忠貞處明月
清風照吉祥

盛德由來食報遐忠臣昌後信無差夜郎昔
日曾開燾金馬于今復建牙舊路恰過埋血
寺新祠重煥妥靈車編氓忝竊金闈末載筆
承明紀世家

承世黃世越 翰林院檢討

日星大節炳南天奕葉忠靈垂萬古
君恩被後賢此日旌幢喧畫角當時毛髮動凌煙
武侯祠宇年年葺叔子風流處處傳斷割一
朝成萬古滇池俎豆正修虔

陸紹琦 翰林院檢討

登壇威望一時尊保障精靈萬古存忠武大
名光宇宙文山正氣峙乾坤宮墻俎豆同尸
祝旄鉞屏藩啓後昆長使英雄懷墮淚不須

詞客賦招魂

馬益 翰林院檢討

丹心彪炳億當年復有貽謀啓後賢仁沛五
溪能惠下化行六詔快光前經綸善繼歌難
竟忠節長新祠可專景仰遺徽真絕盛芳名
千載足畱傳

黎致遠 翰林院檢討

忠果英風尙凜然祀公千古一爐煙睢陽戰
鼓寒雲裏丞相祠堂老柏前世守封疆天特

眷代臨榮戟史當傳豐碑細字書今昔長使
滇民淚暗懸

高維新翰林院檢討

孤城勢力獨難支
澠水江頭致命時
壯志昔酬三尺劍
忠魂今護五華祠
靈旗駐聽青峯曲
桂酒猶歌丹荔詩
自是甘棠垂蔭久
蠻花犵鳥繫人思

彭維新翰林院檢討

江淮保障是誰功
血灑秋天一片紅
斃揭虎牙趨險隘
誓將龍劍表精忠
華星却復文昌位
竹帛新添國史中
貴胄世持旄鉞重
今時重見蜀文翁

李鐘峩翰林院檢討二首

巍巍廟貌峙滇城
猶是當年竹馬迎
惠澤正同昆海濶
高標直竝點蒼清
忠魂獨許追余闕
微骨由來勝彌衡
熱血一腔千古恨
夜深悲煞鸛鵝聲

五色褒綸下絳霄
昆明猶近

聖恩遙春秋鼓送青山雨伏臘幢搖碧海潮大節
千年垂竹帛殊榮奕世席金貂執膳重有常
臯在六詔鄉雲陰笮橋

顧五達

翰林院檢討

上公秉鉞死封疆亮節忠聲久益光勳業盡
鏤青玉簡精靈永戢碧鷄鄉新祠翼翼臨滇
海古柏森森竝夜郎化洽天南酬舊德象賢
繼美奉蒸嘗

姚三辰

翰林院檢討

力盡貔貅戰血腥忠魂萬里一旌銘虹飛貫
月心常碧碑勒磨崖史更青芝嶺靈旗吹落
月螺峯神火曜寒星今看接武麾旄鉞風雨
聲淒閣上鈴

張鱗甲

翰林院庶吉士

獨將一劍報

君恩灑水橋邊碧血痕萬里山川畱正氣千年俎

豆慰忠魂

聖朝褒錫光前烈開府貽謀啓後昆大節只今還

忠果公祠堂集卷四
三

凜凜常山真可與同論
楊超曾 翰林院庶吉士

銅柱勛名舊所欽
櫂槍熒惑變初侵
兩間正氣畱忠胆
一劍

君恩答素心
峴首碑橫雲漠漠
錦城祠在柏森森
春蘭秋菊堪終古
况有中丞孝可歆

曹友夏 翰林院庶吉士

心如介石節如山
仗鉞滇黔鎮百蠻
金馬碧鷄蹲叛旅
筆峯銅鼓震重關
一門浩氣風霜

裏千古孤忠
日月間從此功宗
作元祀專祠
俎豆竹書班

毛觀文 戶部主事

四十年來忠果節
一朝廟貌獨重新
庭堦碧草埋山血
與衛英風罵賊身
晉代威侯宜有子
漢朝丞相已封神
從今玉案峯頭月
長照乾坤不朽身

吳關傑 撰勅中書

元戎總制控邊疆
勁節當年姓氏香
金馬山

前風亦暴石屏坡下水俱狂報恩祇有丹心
在致命寧辭白刃亡共仰忠魂崇廟祀還誇
繼述與流芳

于憲王圖炳右春坊右中允

楹楠雲開六詔春年年銅鼓薦溪蘋抗忠尚
憶弓刀奮濟美重來節鉞新錫卣

恩榮原鄭重凌烟地望迥嶙峋遙聞祠外歌棠芟
圖取清風啓後人

王時憲翰林院檢討

廟貌崔巍永不墜表忠伐石樹豐碑全家碧
血天邊灑千古丹心日下披俎豆恪陳莊躋
國衣冠肅竝武侯祠春秋享祀英靈在
丹詔曾看下赤墀

仇濂永昌府通判二首

忠果騎箕返帝鄉西南四紀見呼搶祇緣德
澤曾深入能使人心久不忘廟內初栽丞相
柏村中猶護名公棠今朝崇祀千年事積厚
因知慶自長

伏劍辭滇數十年歸魂應喜嗣君賢精靈久
列星辰上祠廟新開雨露邊合殿香煙籠俎
豆當堦拜舞盛貂蟬傷心罔極知何報朔望
趨庭意獨綿

新治邠大理府通判四首

甫申崧嶽鎮南天福曜晶熒萬里躔雨浥蠻
花皆異采風行犵草競新妍驚聞烏鳥陳情
日旋見松楸展墓年一自公歸歌袞後戎心
竊發起狼煙

巖陬突豕正倉皇節鉞言旋道阻長到處棘
荆誰借箸空懸肝膽計開疆匣中鏡破沉秋
水掌上珠亡哭夜光捐却一身扶社稷忠魂
千古竝睢陽

九京可作死猶生坐使潢池頓息兵凱樂雲
中雙鳳闕

綸音日下五花旌曰忠曰果春秋筆斯祀斯歆士

庶情蜀相祠堂功德在于今俎豆復觀成

天緣作合嗣清芬錫土重逢名穆勳迺立廟

庭供子職不煩輸輓卹民勤崇碑

睿蒸雲霞麗邃宇英風檜柏薰慚抱下情瞻仰切

追趨敢後野人芹

尹國秦 戶部主事

史筆難傳臣節艱

宸章遙見五雲頌青山立地標金骨赤日當天照

玉顏正氣永依丹鳳闕專祠長對碧鷄關世

家忠孝流芳遠銅柱勳庸不等閒

尹文熾 工部虞衡司主事

五百昌期產大賢敬公正氣振南天名存鐵

券丹書上澤在碧鷄金馬前臣節千秋忠啓

孝

君恩兩世後承先于今俎豆馨香遠與國靈長及

萬年

鄭任鑰 翰林院侍講

碧血青燐已有年南中祠榜又新懸山河氣

在扶朝日松栢陰多黯暮煙萬里沉槍悲往

天事

九天授鉞有傳賢遙知鈴閣風過處旄靄神旗一

颯然

張廷弼吳縣知縣二首

滇人懷惠至於今新創祠堂竹樹深綏輯遺
恩銘鼎上從容壯節著碑陰三藩已泯豺狼
跡六詔難忘父老心鐵柱名垂河不朽靈旗
常此對煙岑

碧鷄金馬繫吾思名在青編像在祠叔度歌
謠雷遠微常山忠義見清時

聖王震悼曾爲誅詞客悽愴競賦詩此日象賢能
繼美重來斯地撫黔黎

張惠可

工部主事

西南深穴虎狼驕抗節孤臣萬里遙碧血帶
霜凌水際青燐貫月耿山椒香畱俎豆千年
史功續旂常七葉貂餘怒不須談伍相昆池
大似浙江潮

聖王... 謝履厚... 翰林院檢討四首

七言絕

謝履厚 翰林院檢討四首

黔山滇水賴匡勳
龍節當年駐貴陽
不使櫓槍橫井鬼
預將逆燄告

君王

狐兔憑威盡欲狂
惟公志節凜秋霜
力圖恢復趨油榨
急望天兵下夜郎
賊勢蜂來銳莫當
捐軀報國正綱常
大臣誓為封疆死
慷慨從容在吉祥

大節參天食報長
象賢開府撫南方
新祠美煥靈車穩
六詔蒸嘗俎豆香

李元真翰林院編修二首

身死封疆恨未休
孤忠耿耿在安劉
當年旄鉞今何在
滇水黔山滿目秋

後先秉節鎮炎荒野
老歡迎指舊棠
仗劍誓師成往事
于今俎豆尙餘芳

詩餘

滿江紅


蔡嵩翰林院編修

臣節如山守封疆
鼓聲已歇談笑處
劍鋒似水丹心激烈
束髮受書知大義
清光直照滇池月
迄今時父老
哭忠魂情悲切
稽祀典明如雪
易嘉名永不滅
看春秋妥侑蘋蘩無
缺罵賊常留三寸舌
捐生碧化千年血
想英靈騎宿御長風歸天關

靈詞百字令

陳時夏 撰勅中書

鯨翻濁浪頓攪得滇海澄波遍汚腥血瘴霧
 迷空最慘是萬里孤忠一朝罹劫舌剪常山
 血飛嵇侍天柱崩還裂一門殉難傷心惟有
 啼鴉空教野老當年逢人猶話及開元遺
 說杜宇聲中日暮時閑愁縷縷
 胆錚錚直上與日星同烈丹青
 凜直節



義

